



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

Paragraphus IV. De potestate Vicarii circa dispensandum.

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

que concionaturo, antequam ascendat cathedram ex S. Congreg. Rituum in Pacens. 17. Martii 1607. tradit Ventrigh. Tom. 2. annot. 14. §. 2. num. 27. Neque etiam prohibere potest, ne in choro inchoetur officium, donec ipse veniat, prout voluit eadem S. Congreg. 26. Febr. 1606. apud Aldan. compend. resolut. can. tit. 43. n. 3. §. Ventrigh. l. cit.

Quæstio 118. Num Vicarius generalis Episcopi jus habeat cumulativè concurrendi in administratione Sacramentorum, & predicatione verbi Dei cum omnibus Curatis totius Diœcesis?

REspondeo affirmativè: Laym. in c. inter cetera. §. unde de off. Jud. ordinari. num. 2. ubi: Episcopus cum omnibus Parochis, aliisque Curatis Ecclesiarum non exemplarum concurrit cumulativè, ita ut ipse vel ejus Vicarius à peccatis absolvere, vel sacramenta fidelibus ministrale posset; juxta c. 2. de off. Archipref. poteritque Vicarius id ipsum sine speciali commissione. Ventrigh. Tom. 2. annot. 14. §. 1. num. 28. citans Sanch. de matrim. l. 3. d. 29. num. 15. & seq. & plures alios. Cum id competit eis Episcopo iure ordinario, nec sit de causis arduis, aut specialiter in iure exceptis. Ait tamen Sbroz. l. 2. q. 1. num. 2. quod ipsis Rectoribus Ecclesiarum parochialium Sacra menta fori penitentialis ita demum administrare possit, si sit Sacerdos, & mandatum speciale habeat, citat pro hoc Abb. & Innoc. in c. cum satis. de off. Archid. Rebuff. n. p. tit. form. vicar. n. 46. & 171.

2. De cetero idem videtur de munere concionandi; cum Episcopus sit Pastor totius Diœcesis, cui ex officio incumbit inter cetera populum verbo Dei pascere, & Sacra menta eidem ministrare. Laym. l. c. n. 1. & spectato iure communii ad Episcopum pertinet jus cathedralæ, seu munus prædicandi ad plebem idoneis personis committendi. Et quod si hoc jus alii inferiores per consuetudinem prescriperint, non propterea omnis cura & sollicitudo Episcopo ablatæ est. Laym. l. cit. num. 3. unde & idem quod ad concionandum per se ipsum, si velit, vel committendo id munus aliis, competere videtur Vicario ex generali commissione Vicariatus. Non poterit tamen, uti nec ipse Episcopus Parochis aliisque Curatis, ubi ipsi ad hoc apti sunt, officium illud concionandi in suis Ecclesiis, Sacramenta que administrandi auferre; multò minus Religiosis, aut aliis aliquibus, quibus id competit ex privilegio Papæ. Laym. l. cit. n. 3. in fine citam Cled. dudum de seculi. c. excommunicamus. §. quia vero. de senten. excommunic. remittensque ad Barbos. de potest. episcop. p. 3. allegat. 76. Trident. sess. 6. c. 2. & sess. 24. c. 4.

PARAGRAPHUS IV.

De potestate Vicarii circa dispensandum.

Quæstio 119. An Vicarius sine speciali mandato dispensare posset in iis, in quibus id potest Episcopus?

REspondeo negativè. Laym. in c. cum in generali de off. Vicar. in 6. num. 1. & 9. Pirk. ad tit. de off. Vicar. num. 57. Pax Jord. l. 12. tit. 1. num. 216. Sbroz. l. 2. q. 35. num. 3. citans Calderin. conf. l. tit. de off.

Vicar. Felin. in c. at si cleric. de Judiciis. n. 22. Cuch. institut. jur. Can. de Vicar. Episc. num. 26. & 111. Garc. de benef. p. 5. c. 8. num. 47. citans infra Guttier. qq. Can. l. 1. c. 19. n. 15. Rodriq. in sum. Tom. 1. c. 234. num. 5. Leoflm. in sum. de marim. c. 27. concl. 2. Vegam. in sum. p. 1. c. 88. casu. 1. contra plures alios citatos, à Sbroz. l. cit. n. 1. nixos hoc fundamento, quod dispensare sit jurisdictionis, quæ autem sunt jurisdictionis, possit Vicarius exercere sine speciali mandato. Rationem dant Pirk. Laym. Pax Jord. Sbroz. l. cit. quod dispensare sapiat gratiam & liberalitatem; quæ autem sunt gratiae & liberalitatis non continentur in generali Vicariatus mandato; item quod equiparetur restitutio in integrum, quæ etiam in generali mandato non continetur, juxta l. illud. §. 5. satis. ff. de minoribus. Quod si vero Vicarius palam ac publice faciat dispensationes, presumitur habere specialem auctoritatem dispensandi. Sbroz. l. cit. n. 7. Et sic in specie non poterit sine commissione speciali dispensare in votis, juramentis, impedimentis Canonicis, legibus, in quibus id potest Episcopus. Laym. Pirk. l. cit. citantes Sanch. de matrim. l. 2. d. 40. sic quoque in irregularitate vel suspensiōne aliqua proveniente ex delicto occulto, & in casibus aliis occultis, Sedī Apostolice reservatis, in quibus dispensatio & absolutione concessa est Episcopis per Tridentinum sess. 4. c. 6. Vicarius dispensare nequit, nisi specialiter id ei ab Episcopo commissum. Pirk. l. cit. n. 6. Pax Jord. l. cit. n. 210. Ventrigh. l. cit. §. 1. n. 28. Garc. l. cit. num. 48. Barbos. jur. Eccl. l. 1. c. 15. n. 24. citans Narbon. de appellat. à Vicar. ad Episcop. p. 1. n. 229. Suar. Tom. 5. de censur. d. 41. S. 2. num. 8. Ugolin. de off. Episc. c. 4. §. 7. n. 2.

Quæstio 120. An & quas data responsio patiatur exceptiones?

REspondeo: Posse dari alias exceptiones, & has esse sequentes. Prima, quod Vicarius vi generalis commissionis absque speciali mandato sciente & tolerante Episcopo dispensare possit in casibus frequenter occurribus. V. g. quod ad jejunia, festa & similia; si enim dicentes amplè sunt, & negotia multa, vel Episcopus apud Ecclesiam suam Cathedram, ubi frequentior est populus, non residet, aut ab ea absit, difficile erit in omnibus recurrere ad Episcopum, & ab eo petere dispensationem aut facultatem dispensandi; & quamvis absentia Episcopi per se loquendo non tribuat maiorem potestatem Vicario quam is habeat praesente Episcopo, consuetudo tamen, & antecedentium Vicariorum praxis interdum ostendit, Episcopum contentum esse, & tacite consentiendo committere Vicario potestatem illam dispensandi. Imo si Episcopus valde remotus sit, ut consuli & respondere non possit, potestas illa dispensandi quodammodo Vicario debetur, argumento c. 3. §. Episcopo de tempor. ordin. in 6. ita ferè Laym. l. cit. & ex eo Pirk. l. cit. num. 59. Ex quibus tamen eorum verbis vides non abesse hic omnino speciale ad hæc commissionem, dum haec adesse tacite arguitur ex illa scientia & tolerantia Episcopi.

2. Secunda, dum jus ipsum Vicario generali hujusmodi potestatem in aliquibus dispensandi concederet, quemadmodum potestatem dispensandi in denunciationibus matrimonii concedi per Tridentinum, dum id eam concedit Ordinario, comprehendendo sub nomine Ordinacionis non solum Episcopum, sed & Episcopi Vicarium, volunt plures, & habet

Vicarii Episcopi.

47

habet communior. de quo ex professo infra, ubi de potestate Vicario circa matrimonialia.

Questio 121 Quas dispensationes specialiter committere Vicario suo possit Episcopus?

REspondeo primò, cùm Episcopus in pluribus ordinaria auctoritate dispensare possit. Sbroz. l. cit. num. 3. citans Calder. cons. 3. de off. Vicar. Felin. in c. at si Clerici. de Judic. num. 21. Cardin. Alex. &c. Si enim ea, quæ sunt dignitatis & jurisdictionis (intellige ordinaria) Episcopalis possint committi Prælato inferiori, & apud Sbroz. num. 4. Abb. in cap. quanto, de consuetud. num. 2. Felin. ubi ante, Syl. in summa. v. Episcopus. num. 9. multò magis ea poterunt committi Vicario, utpote cui multa ab Episcopo committi possunt, quæ alii committi non possunt juxta e. constitutus. de concess. prab. Sbroz. l. c. u. 3.

2. Secundò, cùm quoque in pluribus dispensare possit Episcopus auctoritate sibi per Papam delegata, poterit Vicario suo committere potestatem dispensandi in casibus à Sede Apostolica, vel Concilio generali Episcopis ratione dignitatis per generali delegationem commissis aut concessis. V. G. potestatem dispensandi in omnibus irregularitatibus, & suspensionibus, ex delicto occulto provenientibus, excepta illa, quæ oritur ex homicidio voluntario iuxta Tridentinum sess. 24. c. 8. quia talis potestas generaliter delegata ratione dignitatis Episcopalis transit in ordinariam, ideoque alteri committi, & delegari poterit. Laym. in c. ult. de off. Vicar. in C. num. 10. & ex eo Pirh. ad tit. de off. Vicar. num. 60. Si tamen Episcopus Vicario suo specialiter commisit facultatem dispensandi in casibus Episcopalibus, sub ea commissione non comprehenduntur hi casus à Papa & concilio generali Episcopis, ratione suæ dignitatis etiam generaliter delegati. Laym. Pirh. locis cit. Sbroz. l. 2. q. 36. num. 4. citans Cuch. Instit. juris can. de Vicario. num. 111. Mandol. ad reg. 3. Cancell. 9. 7. num. 16. p. 1. nisi ex adjuncta clausula colligi possit, quod Episcopus voluerit omnem potestatem suam, quæ delegabilis est, committere Vicario. V. G. si additum sit: committimus Vicario nostro potestatem dispensandi in omnibus casibus, prout ea competit vel competere potest, etiam ex Papæ vel aliorum delegatione, vel alias quomodoconque. Laym. Pirh. locis cit. citantes Rebuff. in pr. benef. tit. form. Vicar. n. 46.

3. Tertio; idem esse de casibus Papalibus, qui per accidens ad Episcopum devolvuntur ob difficultatem audeundi Papam, ac Laym. l. cit. sic colligi dicens ex iis, quæ docet Sanch. l. 2. d. 40.

4. Quartò, potest Episcopus potestatem dispensandi etiam specialiter sibi delegatam subdelegare Vicario suo. Quia generaliter loquendo potest Episcopus etiam ea, quæ non ut Ordinarius, sed ut specialis delegatus Sedis Apostolice agere potest, speciali mandato committere seu delegare suo Vicario. Laym. l. cit. n. 11. ita dicens tenere DD. communiter in c. ult. §. veterum. de off. delegat. Pirh. l. c. n. 61. Sbroz. l. 2. q. 34. n. 3. citans Felin. in c. fin. de off. delegat. n. 8. iuxta dicta supra ex Fagnan. in c. quoniam. de off. delegat. n. 9. quia delegatus à Principe potest subdelegare juxta l. à Judice. c. de Judicis. Limitatur tamen hoc ipsum primò: nisi forte persona Episcopi specialiter in rescripto delegationis designata & expressa sit, ita ut censeatur electa industria persona. Pirh. cit. num. 6. Sbroz. cit. q. 34. num. 3. Limitatur secundo, ut dum nudum solum ministerium dispensandi, absque cognitione cause delegatum esset

Episcopo, is illud subdelegare non posset, Laym. cit. num. II. Sbroz. cit. q. 34. n. 4. & 5. citans plures Secus autem esset, dum dispensatio unā cum cognitione cause delegata esset; jam enim Episcopus non censetur nudus minister, adeoque dispensandi ministerium unā cum cognitione cause subdelegare potest. Sbroz. cit. num. 3. An vero in hoc casu subdelegare possit solam executionem, seu nudum factum dispensandi, non definit ibidem Sbroz. Ex iis vero, quæ habet l. 2. q. 33. n. 6. (ubi, quod in iis, in quibus Episcopo competit dispensare auctoritate ordinaria, possit nudum ministerium dispensandi absque cause cognitione demandare Vicario) sequi videtur à contrario, quod in iis, in quibus non nisi delegatam habet potestatem dispensandi, non possit nudum ministerium subdelegare. Limitatur tertio, ut Episcopus subdelegare nequeat dispensationes sibi à Papa committendas, sed solum commissas; jurisdictionem enim seu potestatem sibi nondum competentem, seu quam non habet, delegare non potest. Laym. cit. n. 11. Sbroz. l. 2. q. 34. n. 6.

Questio 122 An Vicarius generalis dispensare possit in interditis?

REspondeo, posse Vicarium habentem generale mandatum dispensare, Episcopo absente in interditis temporum ordinationis. Fagnan. in c. de eccl. de temp. ordinat. n. 12. dicens hanc esse sententiam S. Congregat.

PARAGRAPHUS V.

De potestate Vicarii quo ad absolendum & relaxandum.

Questio 123. An Vicarius absolvere possit à suspensione, à qua absolvere potest Episcopus?

REspondeo: id eum non posse sine speciali mandato Episcopi. Ventrigl. Tom. 2. annot. 14. §. 1. num. 29. Pax Jord. l. 12. tit. 1. num. 210. Barbol. jur. Eccles. l. 1. c. 14. num. 24. citans Narbon. Ugol. &c. Intelligendumque id ipsum non videtur de suspensione, quam ipse tulit; sicut enim illam ex generali Vicariatus commissione ferre potest, talitem ubi non est perpetua aut multum diuturna. Sbroz. l. 2. q. 182. à n. 2. juxta dicenda paulò infra, ita etiam ab eadem absolvere poterit sine speciali commissione. Quod ipsum velle videtur Sbroz. dum l. 2. q. 183. absolute ait: quemadmodum Vicarius Episcopi suspendere potest, ita etiam absolvere potest; & quod excommunicatus absolvendus remittitur ad suum excommunicatorem, id ipsum quoque extenditur ad suspensionem & interditum. Sed intelligendum de suspensione juris seu Canonis, ubi ab ea absolvere potest Episcopus. Sbroz. l. 2. q. 184. num. 1. ubi: suspensum à suspensione juris seu Canonis Vicarius Episcopi absolvere non poterit sine speciali mandato. Declarat id ipsum num. 4. ut absolvere possit à suspensione juris in iis casibus, quibus Episcopo est permisum, ut quando esset lata suspensio in contumaciam, vel etiam ad tempus non determinatum, & in casibus non reservatis à conditore Canonis, super quibus Episcopus dispensare potest. Et sic posse Vicarium Episcopi absolvere à suspensione lata in contumaciam, & non in pœnam delicti absolvere sine termino, & reservatione, five jure communis five particulari confirmata per Papam, dicit teneri à Navar. in manual. confess. r. 27. num. 162. post Innoc. communis

nitrice